

## YUDA Kukue Ko Yuda Lɛwɔni

<sup>1</sup> Kukue komfo etsyi mɔ, Yuda, wə ni Yesu Kristo eto ɔtɔye ku Yakobo eto ɔyimisani ɔflo, itə mba Onanto lékpadi ba nsi nkpə lə Anto Onanto eto lelabi ku Bonamute Yesu Kristo eto bobɛ əsuə. <sup>2</sup> Onanto eto kaminsənyənyə, diyuə ku lelabi lə disiəko mi kenke, lebé lekpe lə mi əsuə.

### *Bulə Ebutu Bidiabidia Eto Bateasa.*

<sup>3</sup> Mɔ bayimitsyuə lala, iyifo mɔ lelabi kekleke miə eni nwɔni kukue ntə mi itsyi lə kase Onanto léfo bomblɛ lə nkpə əsuə. Fɛɛ nsusu bamba esi búbə mɛ nkə efe bə nwɔni kukue komfo ntə mi mlə lə mfi nkpe mi nkɛale bə lə beta bofokanɔ eto kusu komə disi kekleke. Bofokanɔ bo Onanto dífi útə wə betidi lɔni kplo. <sup>4</sup> Itsyise betidi bətsyuə ba laante Onanto sikpi ábiɔ bédufə lə mi nti, betidi ba laatsyi Onanto eto lefonə nəmə kawunisə, bə lə ekate itə mə nkpə bua bo bensi əsuə. Betidi bamfo áni bo Okankplɛ ɔni kplo əmə Yesu Kristo wə ni Bonamute. Lefe kpə nə díbə lefe məə, Awɔnisa Kenke áteyi itsyə dikpilolo nə bákafɔ eyɛ lə mə asa buayifoyifo əsuə.

<sup>5</sup> Ite bə biyi nyamfo kenke tsyaa, nsi nla miə meedi mi etiki itsyi lə lefe nə Onanto díləkə Is-raelfɔ utsyiko Egipte eto kasɔ əsuə, nya ótsylɔsə mba dímamfo wə bánɔ kenke. <sup>6</sup> Bekloma biə Onanto eto batɔnkpe ba dímanke lə əsuəale nnya bətə mə kalɔɔ, nya báni mə nsiəko bo

Onanto díta mə, nya ókle mə læ amana əsuə óto ókpe læ ketuntu kamə kəmiə kaka úfi mə útsyə isu eyo Diyi Kplə Fəfə nə əsuə boolo mə dikpi. <sup>7</sup> Bekloma Sodom ku Gomora ku kəmə ka letsyilama mfó əsuə, ba eto betidi díyifo fe batənkpe ba dísiə nkpe bua seka ku læ səsənədi eto nkpesiəsiə əsuə. Lə nnya esoo, Onanto dífi ute manlo ótonsə mə bə læ iyifo kotonənə eto buləkə kate eto ditsyəbi.

<sup>8</sup> Nkomə ke betidi bamə mfo lænyə kələkəkate bo lətə beeyifo lehua kənyə læ mə əsuə eto sinə kula tsya əsuə. Bəənyə læ Onanto eto əsuəale əsuə nya beedi etiki kənyə læ kato eto asa nnya nkpe dibu əsuə. <sup>9</sup> Kato eto Ɔtənkpe Ninə Mikael kula tsya ményifo nko. Lə lefe nə wə ku Obonsam lékpe dinyəfi læ futsyə loofu Moses eto ɔko əsuə, Mikael méntsyue Obonsam kənyə ku aka. Bomu ótəyi nkə, “Bonamute læ uyənki okpe fə!” <sup>10</sup> Fəfə betidi bamfo eto oklee, lesa nə ke eto kasə bannə koo, baaka nya beekudi katsyese. Nya asa nnya benyi eyə læ kolebe əsuə fe kase bebuki tsya nyi sekaa, nnya ni lesa nə tututu laatsyləsə mə nə.

<sup>11</sup> Mbəbue itə mə! Itsyise kusu ko əsuə Kain leyə, ko əsuə ke mə tsya leyə nə. Lə atabi esoo, mə tsya læ kənənsə əsuə áyē læ kusu bua fe Balam ke, bətaka bənyə læ Onanto əsuə nya bətsyləsə mə fe Kora seka ke. <sup>12</sup> Lə betsya læ ləniyifoyifo əsuə biə biedi Bonamute eto didisaa, mə afanisa yifoyifo aabiasə mi botsya bomə. Baate əsuə nya beedi kemi læ kase ke baala əsuə. Mə əsuə eto lələkəsə hā ete baabəbə. Bete fe asəmiloku nnya laanni ɔsomi nya ufiebi laasə

nnya ketsyi kedunko. Nya beyifo fe eyi nnya laannwɔ lə nnya ləwɔfe, nnya díyifo fe béku ku keyudu bákpo lə kasɔ nya nyamble kenke díkpə ékoe. Nya bente fe befandebi bia nle botsyilama bia Onanto lelɔ kalebe útsyə útə lə ketuntu eto ketuntu əsuə itə lefe manlo. <sup>13</sup> Beyifo fe ufiebi wə laaso lə lekpo əsuə nnya yəətə mə afanisayifoyifo laakpɔ kabe kato fe lekpo eto efukpɔkpɔ seka.

<sup>14</sup> Betidi bamfo əsuə Henok wə ni Adam eto kafo kuansele eto ubilele dídí etiki ótəyɛ útsyə nkə, “Bonamute ku wə batɔnkpe kɛnkɛ akpi akpi ebubə. <sup>15</sup> Nya ookpronko betidi ba kenke lekpo. Ookpronko betidi ba leentsyue koto lə asa bua nnya kenke béyifo ku lə etiki bua nnya betidi ba leentsyue wə koto mfo dídí bəńyə lə Onanto əsuə tsya eso.” <sup>16</sup> Betidi bamfo eedi etiki kawɔnɔnɔ kalo betidi bamba dikpi. Beefi nsusu lə asa bua əsuə lə betidi əsuə nya bəətəko mə kosate et alasa bua əsuə, kabesə əsuə kato nya beedi etiki ku kɛnyɛ minimini kawɛ betidi bə lə bayɛ lə nnya əsuə bəńyə lesa nə banlɛ bɔbɛbɛ.

### *Bifi Mi Əsuə Bitəkə Lə Kristo Əsuə.*

<sup>17</sup> Fɛɛ mə bayimi, bekloma etiki nnya Bonamute Yesu Kristo eto batɔnkpe lɛtəyi mi lə lefe nə léfe mmə. <sup>18</sup> Bátəyi bənkə, “Lə eyi fɛfɛ əsuəə, betidi ebɔbɔ bəbə bedi etiki bəkəmə mi nya booyifo lesa saa nə baala lə Onanto membukabe əsuə.” <sup>19</sup> Mə ni betidi ba laakpe kəsənsə lə betidi nti, ba ini mə əsuə eto lelɛkɛsə ete baabɛbɛ, nya Onanto eto Lɛwɔnɔ ləmbə lə mə əsuə.

<sup>20</sup> Fɛɛ mi, mə bayimii, bifi mi əsuə bitəkə lə əsuəale muəmuə lə mi bofokanɔ kɛnkɛ əsuə.

Beto ola beyenko læ Lɛwɔnɔ Kenke eto əsuəale əsuə. <sup>21</sup> Bifi mi əsuə bekpe læ Onanto eto lelabi əsuə læ lefe nə benle kusu bobe bæ Bonamute Yesu Kristo ebunyə mi kaminsə utə mi nkpə manlo.

<sup>22</sup> Lə nyamfo esoo, binyə mba eto bofokanɔ diməmuə tɔ ale kaminsə. <sup>23</sup> Bətsyuə ba nle budufə læ ute əsuəə, binə mə biləkə, nya bətsyuə tsyaa, binyə mə kaminsə, tsya fɛɛ læ sikpitete əsuə. Nya bikisi mə ditsyəbi bua nə nte fe əsuə eto bikələle bia diyi ku asinsa nnya lofo mi bobiasə.

*Maato Ola Kətə Onanto Lə Mi Disi.*

<sup>24</sup> Nya wə nwə lofo mi bəkobe kale læ wə ani nya biemutusə bidu bənɔɔ, læ uyifo mi kenke bæ kabua saa manke mi læ əsuə, læ binyə disuəyuə læ bisu bɛbɔ læ wə diyənde nəmə eto ənəmi. <sup>25</sup> Wə ni Onanto ɔni kplo wə ni bo Ofomfokətə eyɛ læ Bonamute Yesu Kristo əsuəə, diyənde, səkple, læmɔ ku əsuəale itə wə idu læ lefe nə léfe, ku mɔmɔ isu manlo! Ibə itə.

**Onanto eto kakle fɔfɔ; Sɛkpɛle  
Sekpele: Onanto eto kakle fɔfɔ; Sɛkpɛle New  
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 28 Sep 2022 from source  
files dated 13 Jul 2022

5fc03d2a-3cf8-5607-a6e0-9e1e197140bd